

mewnprint

CYLCHLYTHYR I'R DIWYDIANT CYHOEDDI

LLYFRAU YNG NGHYMRU

CYNGOR LLYFRAU CYMRU

RHAGFYR 2002 | RHIF 28

Cyflwyniad

Unwaith eto mae'r rhifyn yma o **Mewn Print** yn cyfeirio at nifer o ddatblygiadau pwysig yn y fasnach lyfrau yng Nghymru. A ninnau o fewn ychydig wythnosau i'r Nadolig, y mae atodiadau llyfrau'r Cyngor Llyfrau wedi eu cyhoeddi a'u dosbarthu. Fe welir hefyd y bydd gweithgor a sefydlir gan y Cyngor yn mynd ati dros y misoedd nesaf i ddechrau paratoui Strategaeth Farchnata a fydd yn cwmpasu gwaith y sector cyfan.

Gan dymuno Nadolig Llawn a Blwyddyn Newydd Dda i chi i gyd.

Cymru yn Frankfurt

Bu'r Cyngor Llyfrau yn arddangos dros 60 o lyfrau gan nifer o gyhoeddwr o Gymru yn Ffair Lyfrau Frankfurt yn ddiweddar, a dywedodd Bridget Shine, Swyddog Marchnata Dramor y Cyngor Llyfrau, eu bod wedi cael ymateb hynod o dda yno.

'Roedd yn braf gweld y diddordeb gan gyhoeddwr tramor mewn llyfrau o Gymru', meddai Bridget.

'Mae'n gyfle gwych hefyd i wneud cysylltiadau ac i gael blas rhyngwladol o'r byd cyhoeddi.'

Cysylltu â'r Cyfeillion

Mae'r pecyn diweddaraf o wybodaeth am y fasnach lyfrau yng Nghymru wedi ei ddsbarthu i'r Cyfeillion. Yn ogystal â thocyn mantais ar gyfer prynu llyfr o'u dewis, rhestrau llyfrau ac adolygiadau, a chatalogau'r cyhoeddwr, mae'r pecyn yn cynnwys y rhifyn cyfredol o'r cylchlythyr **Y Cyfaill**.

Wedi ei olygu gan Lyn Lewis Dafis, y mae'r cylchgrawn yn cynnwys erthygl ar y grefft o addasu nofelau ar gyfer y teledu, rhestr o hoff lyfrau Dafydd Morgan Lewis o Aberystwyth, a gwybodaeth am y datblygiadau diweddaraf yn y Cyngor Llyfrau.


Atodiadau'r Nadolig

Y mae'r Cyngor Llyfrau wedi cynhyrchu dau atodiad llywgar eto eleni i roi sylw i'r llyfrau a gyhoeddir ar gyfer y farchnad Nadolig. Fe gyhoeddwyd 80,000 o'r atodiad **Gwledd y Nadolig**, ac y maent wedi eu dosbarthu'n helaeth drwy rwydwaith y papurau bro. Rydym hefyd wedi sicrhau bod copïau wedi eu dosbarthu i'r siopau llyfrau a'r llyfrgelloedd.

'Mae'r atodiad 16 tudalen yn rhoi cyflwyniad gwych i'r llyfrau sydd ar gael yn y siopau,' meddai Phil Davies, Pennaeth Adran Farchnata'r Cyngor Llyfrau. 'Llywddwyd i'w gyhoeddi mewn da bryd eleni a hyderw'n y bydd yn arwain at werthiant sylweddol o hyn i'r Nadolig. Rydym yn ddiolchgar i'r cyhoeddwr a'r llyfrwerthwr sy'n hysbysebu yn **Gwledd y**

Nadolig am eu cefnogaeth.'

Ar yr ochr Saesneg, mae'r atodiad **Books from Wales** yn cael ei ddsbarthu gyda'r **Western Mail**, a bu'n bosib cynyddu nifer y tudalennau i 12 eleni yn dilyn ymateb gwych gan y cyhoeddwr.



Cynhadledd Llyfrau Plant

Roedd y Gynhadledd Llyfrau Plant yn llwyddiant arbennig eleni gyda chroeso rhyngwladol yn disgwyl y cynadleddwr yn Aberystwyth.

Gan mai 'Croesi'r Ffiniau' oedd y thema eleni, yr oedd yn briodol mai Beverly Naidoo, sy'n hanu o Dde Affrica, oedd yn traddodi'r ddarlith agoriadol. Fe gafwyd sgwrs ysbrydoledig ganddi yn sôn am ei bywyd a'i gwaith.

I ddilyn y thema, cafwyd cyflwyniad gan Robert Dunbar a Grainne Darlington o Iwerddon, yn sôn am eu gwaith yn cyflwyno llyfrau stori-a-llun o Ewrop. Bu Chris Stephens hefyd yn esbonio fel yr oedd yn defnyddio yr



Jenny Randerson (ail o'r chwith) gyda enillwyr Gwobrau Tir Na n-Og

un llyfrau ym Mhenfro.

Cafwyd cyfraniadau hynod ddiddorol hefyd gan Tudur Dylan, Einir Jones ac Aled Lewis Evans.

Yn ystod y gynhadledd

cafwyd cwmni Jenny Randerson, Gweinidog Diwylliant y Cynulliad, yn ystod y seremoni i gyflwyno gwobrau Gwobr Tir na n-Og 2002.

Llyfrau ar y Sgrin

I ategu'r atodiadau mae'r Cyngor wedi trefnu cyfres o hysbysebion a fydd yn ymddangos ar y teledu yn ystod mis Rhagfyr.

Dyma deitlau'r llyfrau Cymraeg fydd yn cael eu hyrwyddo:

Hysbyseb Cymraeg (Oedolion) (1)

1. **Tewach na Dŵr**

Dylan Jones, Gwasg Gomer

2. **Pan Oeddw'n Fachgen**

Mihangel Morgan, Y Lolfa

3. **Cefn Gwlad**

Dai Jones, Gwasg Gwynedd

4. **Meical Ddrwg o Ddwl y Mwg**

Mici Plwm, Gwasg Gwynedd

5. **Beti a'i Phobl**

gol. Ioan Roberts, Carreg Gwalch

6. **Morwyr y Cilie**

Jon Meirion Jones, Cyhoeddiadau Barddas

Hysbyseb Cymraeg Oedolion (2)

1. **Byd Bethan**

Bethan Gwanas, Gwasg Gomer

2. **Iancs, Conshis a Sbam**

gol. Leigh Verill-Rhys, Honno

3. **Y Weledigaeth Geltaidd**

John Meirion, Morris Y Lolfa

4. **Cân Dros Gymru**

Dafydd Iwan, Gwasg Gwynedd

5. **Cofion Cynnes**

Lyn Ebenezer, Carreg Gwalch

6. **Owain Glyndŵr Trwy Ras Duw, Tywysog Cymru**

R.R. Davies, Y Lolfa

Hysbyseb Cymraeg (Plant)

1. **Cyfras Sali Mali: Y Model Perffaith**

Siân Lewis, C.L.C.

2. **Poenau Penalti**

addas. Dylan Williams, C.L.C.

3. **Driblwr Disglair**

addas. Dylan Williams, C.L.C.

4. **Charlie a'r Ffatri Siocled**

addas. Elin Meeck, Rily Publications

5. **Anrhegion Nadolig Guto a Gwyn**

addas. Helen E. Davies, Gwasg Gomer

6. **Syniad Da lawn 2**

gol. Heledd Jones, Carreg Gwalch

7. **Help, Mae 'na Hipo yn y Cwstard!**

Sonia Edwards, Gwasg Gwynedd

Hybu Cymru Dramor

Wedi trafodaethau diweddar rhwng y ddau gorff, bydd y Cyngor Llyfrau a'r Cyngor Prydeinig yn cyhoeddi taflen ar y cyd, dan y teitl **Books from Wales Autumn 2002**, i'w gynhyrchu dan adain y Cynllun Ymestyn.

Dosberthir y daflen i holl swyddfydd y Cyngor Prydeinig ar hyd a lled y byd, yn ogystal ag i lyfrwerthwyr, llyfrgelloedd, sefydliadau ac unigolion yng Nghymru.

Bydd y daflen yn cyfeirio at oddeutu 90 o deitlau Saesneg o ddi-ddordeb i Gymru gydag adrannau ar wleidyddiaeth a chymdeithas, hanes, pobl, diwylliant a llenyddiaeth.

Cyn y Nadolig mae'r Cynllun Ymestyn hefyd yn gobeithio cynhyrchu taflen ddwyieithog o deitlau coginio.

Gwerthu drwy gwales

Fel y gwyddys, mae ymateb ffafriol iawn wedi bod i wefan gwales.com fel ffordd hwylus o gyflwyno gwybodaeth am lyfrau, ond y mae llawer o'r farn nad yw mor llwyddiannus fel cyfrwng i werthu llyfrau.

Un o argymhellion Grŵp Gorchwyl a Gorffen y Cynulliad ar Gyhoeddi oedd bod y drefn o archebu yn cael ei symleiddio er mwyn caniatáu i gwsmeriaid archebu'n uniongyrchol oddi ar y wefan.

Mae'r Cyngor Llyfrau yn y broses o ymgynghori gyda'r llyfrwerthwyr ar y ffordd orau i weithredu hyn, gan barchu rôl holl bwysig y llyfrwerthwyr yn hybu'r fasnach lyfrau.

Fel rhan o'r datblygiad hwn mae'r Cyngor Llyfrau hefyd wedi sicrhau cyllid i gynorthwyo siopau llyfrau bychain, annibynnol a hyderwn y bydd y cyfan hyn yn cryfhau'r diwydiant cyhoeddi yng Nghymru.

Strategaeth Farchnata

Yn dilyn argymhelliad gan y Grŵp Gorchwyl a Gorffen ar Gyhoeddi a sefydlwyd gan y Gweinidog Diwylliant, fe fydd strategaeth farchnata gytŷn yn cael ei pharatoi ar gyfer y fasnach lyfrau yng Nghymru.

'Y bwriad yw llunio dogfen fydd yn nodi'r her sy'n wynebu'r byd cyhoeddi yng Nghymru,' meddai Phil Davies ar ran y Cyngor Llyfrau, 'ac fe fydd yna gyfle i bawb o fewn y diwydiant gyflwyno eu syniadau.'

Paratoi'r strategaeth hon fydd un o'r prif dasgau y disgwylir i'r Cyngor Llyfrau ymgymryd â hi yn ystod y flwyddyn nesaf, ac mae Panel Marchnata'r Cyngor, dan gadeiryddiaeth Richard Houdmont o Wasg y Brifysgol, eisoes wedi sefydlu gweithgor sy'n cynrychioli pob agwedd o'r fasnach i lunio'r drafft cyntaf.

Bydd proses ymgynghori drylwyr yn dilyn, cyn mynd ati i lunio'r fersiwn terfynol.

Diwrnod y Llyfr

Yn dilyn y darlithoedd llwyddiannus sydd wedi eu traddodi fel rhan o ddatliadau Diwrnod y Llyfr yn ystod y blynnyddoedd diwethaf, y mae'r pwyllgor llywio wrthi'n paratoi ar gyfer y flwyddyn nesaf. Emyr Humphreys sydd wedi cael ei wahodd i draddodi'r brif ddarlith a chynhelir honno yn yr Wyddgrug. Bydd mwy o fanylion yn y rhifyn nesaf o **Mewn Print**.



PENODIADAU

Swyddog Gwybodaeth Newydd

Mae Nia Mererid Morgan wedi ei phenodi yn Swyddog Gwybodaeth gyda'r Cyngor Llyfrau, a hi fydd yng ngofal casglu a dosbarthu'r holl wybodaeth am y llyfrau a gyhoeddir.



Mae Nia yn enedigol o Nebo ger Llannon, Ceredigion, a graddiodd yn y Gymraeg ym Mhrifysgol Gogledd Cymru, Bangor, cyn dilyn cwrs pellach mewn Astudiaethau Gwybodaeth a Llyfrgellyddiaeth ym Mhrifysgol Cymru Aberystwyth. Mae'n ymuno â'r Cyngor ar ôl bod yn gweithio i Gyngor Gwynedd fel Rheolwr Datblygu'r We.

Swyddog Llenyddiaeth Saesneg

Yn dilyn penodi Helena O'Sullivan yn Rheolwr Siop Lyfrau a Nwyddau y Llyfrgell Genedlaethol, y mae Dominic Williams wedi ei benodi dan y Cynllun Cynrychiolaeth i'w holynu. Mae Dominic yn hen gyfarwydd â'r byd llyfrau gan iddo fod ar staff siop lyfrau Ottakar's, Caerfyrddin, am beth amser.

Mae'r swydd arbennig hon yn un a drefnir ar y cyd rhwng y Cyngor Llyfrau a Literary Publishers (Wales) ac fe fydd Dominic yn ymweld â siopau ledled Cymru i hyrwyddo llyfrau Saesneg o Gymru. Noddir y cynllun gan Gyngor y Celfyddydau.

Cynrychiolydd

Y mae'r Cyngor Llyfrau yn dymuno'n dda i Richard Emms sydd yn gadael ei swydd fel cynrychiolydd ac wedi ei benodi'n rheolwr ar siop lyfrau CBAC yng Nghaerdydd. Gobeithiwn benodi olynnydd i Richard yn fuan.

Cynorthwy-ydd Gweinyddol

Penodwyd Jacqueline Cameron o Dregaron yn Gynorthwy-ydd Gweinyddol yng Nghanolfan Ddosbarthu'r Cyngor Llyfrau, a bydd hi'n gyfrifol am waith y tîm sydd yn delio ag archebion.

Ffair Lyfrau Llundain

NODYN I'R DYDDIADUR Cynhelir Ffair Lyfrau Llundain y flwyddyn nesaf ar 16-18 Mawrth yn Neuadd Olympia. Bydd y Cyngor Llyfrau yn trefnu stondin yno yn ôl yr arfer.

PWYNT CYSWLLT

Bydd y rhifyn nesaf o *Mewn Print* yn ymddangos ganol Chwefror. Dylai unrhyw wybodaeth i'w chynnwys ynddogael ei hanfon erbyn canol Ionawr at: **Elwyn Jones, Cyngor Llyfrau Cymru, Aberystwyth, Ceredigion, SY23 2JB. E-bost: elwyn.jones@cllc.org.uk** Gellir darllen y rhifyn hwn o *Mewn Print* ar y we: www.cllc.org.uk